

OMUKUETU

No. 5

Mei

1953

Joh. 14:15-21.

ETILILO LJOMBEPO ONDJAPUKI.

MOuambó ohatu joolola aantu moongundu mbali. Hatu pula tatu ti: „Ongoje omukriste nenge omupagani?”

Evangeli ljopentekoste tali joolola uo aantu oóngundu mbali, ihe aapagani ihaa popiua mpaka, aue. Evangeli ndika tali joolola aakriste moongundu mbali nge tali pula: „One mua peua tuu Ombepo Ondjapuki sho mui itaala?” Iil. 19:2. „Ongoka kee nOmbepo ja Kristus oje kee shi ogue.” Rom. 8:9. Koshipala sha Kristus esla ho itali talua ehupico, osho ekoleko itali pulua esiku ljepangulo, ihe ngoka e na oshihako shOmbepo oje omukriste ta ziminua kOmukulili esiku ndjoka enene. Osho uo mEhololo 12:17 taku tiua uo nokutja satana ta kondjica mboka je nedidiliko lja Jesus, tashi ti: Aakriste mboka kaje na Ombepo Ondjapuki ihaa shekua kaantu juujuni, ihaa tondua nando oshoka ojo ookuume kuujuni. Jak. 4:4. Ojo ihaa tondua ku satana muene oshoka kaje nedidiliko lja Jesus. Ihe ojo aakriste mboka itaa ji mo megulu.

Evangeli ljopentekoste tali ciminike omukriste kehe okuikonakona ngele a peua tuu Ombepo Ondjapuki.

Ihe opo mpoka tatu pula: Otatu shi ningi ngini? Jesus ta ti: „...ngoka uujuni kau uapa oku mu taamba, oshoka ouo kau mu luete no kau mu shi (overse 17). Omuposi nge ta pulua okuningina kuetango nkene kua tja, kee shi kujamukula. Omukriste ngoka ina papuduka, ngoka ina shitululua kOmbepo nge ta pulua: „U na tuu ombili jOmuua?” Oje ta jamukula: „Ondi na tuu!” „U nOmbepo Ondjapuki?” „Ondi na tuu!” - nando kee mu shi, ine mu peua nando. Oje ta jamukula ngeji omolu oondunge de, oshoka ta dimbulula nokutja oje e nokujamukula ngeji omoluesimano lje. Oje e na ombili juujuni, uukuume naasheki noonkolui, oje e na ombepo juujuni, okua valululua komeja ihe oje ina valululua kOmbepo Ondjapuki Joh. 3:5. Tiit. 3:5-6.

Omuntu ngoka a shituluka mOmbepo Ondjapuki oje ta diladila ngeji: Naale nda li ndi shi ongame omukriste sho nda shashua no nda kolekua, ihe Jesus sho kua icana ndje a kuca ndje po ombili jandje muene. Oje a tula ndje muudigu omolu oondjo dandje. Onda kambadala okuopaleka okukala kuandje, onda kambadala okuitaala, ihe nda loloka ouala. Opo mpoka Jesus muene okua popica ndje nokua dimi po oondjo dandje adihé. Oje okua mangulula ndje nokua tula eimbilo epe mokana kandje Jes. 12. Eps. 118:14-29. Onda ti: „Ijaloo tangi Jesus. Ijaloo sho ua dimi po oondjo dandje. Taté omuhoolike, ijaloo tangi. Halleluja!” Ta dimbulula a peua Ombepo Ondjapuki ta igida mu je: „Abba, Tate”. Gal. 4:6. Rom. 8:18.

Miigongi jepapuduko tua mono aantu, mboka ja fa ja hokua Jesus, ja hempulula sha, ja hokolola sha, ihe ngashingeji ojo aasheki jaapapuduki, oshoka ojo ja huhulukua ouala pomulilo guOmuua, inaa peua omulilo ngoka moomuenjo dauo, ojo inaa peua Ombepo

Ondjapuki. Onke Jesus ta ti: „Ojendji taa ka mbatala okupita mosheelo sha cinana ihe otaa njengua.” Luk. 13:24. Oshili ookazu dika otadi tilica: „Eitaalo laai shi ljomuntu kehe.” 2Tes. 3:2.

Ngika oku na aakriste mboka ja makele naale uutoje uOmuua, ja peue oshihako shOmbepo, ihe ngashingeji taa jemata na ngame e taa ti: „Ongame tuu omukriste? Ualjeuo, oshoka nda ta nga kukuta, nda ja nda sa. Oshoka ondi na uuhalu, nefupa, nondjahi neinenepeko. Ctandi nono jihuna ajihe monjama jandje. Ihe Jesus, otandi dimbulukua natango omagano goje omanene, tangi Jesus. Inandi hala okugama ku satana. Jesus, natango onde ku juulukua, oshoka oto vulu u pepaleke ndje, u jambule ndje.”

Evangeli ljopentekoste tali dimbuluca oshitja shimue oshinene. „ngele” Jesus a hala, oje te shi vulu, ihe ta ti „ngele.” Ngele otse tatu ningi sha tango. Isheue tu noku ikonakona: Ngika okua holoka sha mu ngame shoka sha nikicoluhodi Ombepo. Ef. 4:30. Uujuni ua hiti ngika meni ljandje, nenge ehalo ljandje nde li hokua nenge eliko nenge ookuume nenge einenepeko nenge ngika Kalunga okua tula ndje momilema opo ndi hulue.

Jesus muene te tu galikanene tu peue isheue euudo ljOmbepo. Tu lesheni oohapu da Kristus opo tu mone etaagulukolo ljefu. Tu nompito okukala uo muu-ke nenge nookuume megalikano ngashika aakriste jotango ja kala sho ja tegelele etililo ljOmbepo neuudo ljOmbepo. Iil. 1:14. 2:1-4. 4:29-31. Jesus ta taamba aalunde nonena ndjika uo. Oje te tu ulukile omaimbo geuudo. Oje a hala e shi ninge. Oje te tu tegelele tu tameke oku mu pulakena.

„Pecimbo ndjoka otamu ke shi tseja ongame ndi li mu Tate, one mu ngame, na ngame mu ne.” „Nane uo mua guana muje.” Kol. 2:10.

Itatu vulu okuitanga otse aakriste aanene, aue. Ihe Ombepo Ondjapuki ta adimica Jesus oshoka ta kuca mbjoka je no te tu hokololele. Joh. 16:14. Omuntu ngoka ta tanga Opzigona ngoka okue mu mangulula, „ongoka a tula uo mutse oshihako she, nokue tu pa mooruenjo detu ombambjona jOmbepo.” 2Kor. 1:22.

A. K.

ILA, OMBEPO ONDJAPUKI!

Ila, Ombepo Ondjapuki,
za megulu ngu kulukile pevi
okuadimicila Kristus moomuenjo detu!
Ila, ekuaco ljohepele,
Ila, omugandji guomagano,
Ila, uujelele uomuenjo,
Ongoje omutalalekielela,
Omujenda guomuenjo omuholike,
Omuhuhulukici umotoje!
Miilonga Ongoje evululuko,
etalaleko muupju,
ehekeleko moluhodi.
Ongoje eaadimo nuujelele uujapukielela.
Uudica omitima daadiginini joje!
Ando oonkondo doje daa po,

ando kapu ra shoka shaa niipue.
 Joga shoka sha njata,
 tuika shoka sha kukuta,
 pupjaleka mpoka pu nuutalala,
 kongga aakani ajehe!
 Gandja omagano goje omajapuki
 kaadinginini mboka taa igameke kungoje,
 koteka citaalo,
 gandja ehulito li nelago,
 gandja enjaju ljuulaha! Anen.

OSHIPUNGULICO SHOPEVI SHOMUENJO. (Kain na Abel.)

Kua li ku nomusamane e noshikeca she shi noombinga mbali, ondjoka jopevi no ndjoka jopombanda. Moshipungulico shoka shokoohi okua pungulile mo ajihe mbjoka e ji hala okuholeka shili. Oshinima kehe sha kala ko uo sigo sha kucua ko komuene guasho.

Momuenjo gomuntu mu na uo oshipungulico shtjangaaka shokohi. Otse aantu hatu pungula mo uuanaua nuuinaji hau tu ada noondjenda detu.

Kain shokua li a dipaga Abel, edipago okue li holeke Kalunga.

Omuuajina Kain okue mu holeke Kalunga. Moku shi ninga okua holeke omudimba gua Abel omoshipungulico shokohi shomomuenjo gue. Okujona kue okue ku holeke momuenjo gue.

Hasho shika ashike; omuenjo gue okue gu edilapo uo, nokue gu pata nekuumba, Kalunga kaa mone shoka shi li na.

Ihe Kalunga okue ja ku Kain nokue mu pula, a ti: Omuananjoko Abel oku li peni?

Ondjo je Kain okue ji holeke Kalunga navelela. Omuenjo ge ine gu matulila Omuaa, aue, okua pata-shili.

Omudimba gua Abel guo oolo gua kala momuenjo gua Kain no gua nikanaji. Eolelo nolja taandele momadiladiloga Kain agehe. Oje okua ningi omuntu omukeenelago.

Ihe Kain a tokola: Omuenjo gue gu kale gua pata. Kalunga shokua ti: „Pulakena, eui ljomuuanjoko tali kugile ndje mevi. Ongoje no to ka kala epongo nontembuki“, Kain okua jamukula, a ti: „Okujona kuandje okudigu unene oku ku humbata, no ndi nokuholama oshipala shoje. Shaa ngoka ta mono ndje, ota dipaga ndje.“

Didilika: Kain ina hempulula shili ondjo je. Je ina indila, Kalunga e ji dime po. Natango tuu okue ji holeke nga.

Kalunga ina mona ompito okujoga omuenjo gua Kain guanjata. Opompoka puali oshiponga sha Kain.

Ihe Kain okua li a uapa okuenda nondjila jilue uo. Ando a matulile Omuaa omuenjo gue! Ando a patulula osheelo shomuenjo gue nokupitika Omuaa e e mo! Ando e mu hempululile okuona kue nokuindia Omuaa e mu dimine po ondjo je okesilohenda lje.

Ando e shi ningi, ando a mono kOmuaa edimo po ljondjo. Omuprofeti Jesaja ta ti: „Tu jeni, tu ka tamananeni, kua ti Omuaa. Oondjo deni nando di kale da tiligana da fombinzi, odo tadi jele da fuutokele uouene. No nando di kale oontiligane da tiliganenenene, otadi jele da fomafufu omatokele to.“

Oshiponga sha Kain osho tuu shoka, oje shokua

holeke Omuaa ondjo je, je no ina indila edimopo ljondjo.

Natse uo tu na oondjila mbali tu hogolole mo ndjoka tatu ende najo. Natse uo tatu vulu okuholeka oondjo di ili no di ili moomuenjo detu, odo no tadi ningi eolelo momadilalilo getu nomokukala kuetu akuhe kuomeni.

Ihe tatu vulu uo okuhempulula omajonagulo getu nokuindila edimopo ljondjo.

Mpaka itatu joolola oondjo oonene noondjo oonshona, oshoka koshipala sha Kalunga ondjo kehe oene.

Ngele tatu hempululile Jesus ondjo jetu, oje ite ji kombo mo ashike, aue, omuenjo te gu jogica nokuli ombinzi je ondjapuki ji nondilo. Otse no tua jela, tua fa inatu jona nando.

Inatu pitikeniano omidimba duulunde tadi kala da holekua moomuenjo omotadi ool nokujona po okukalomuenjo kuetu akuhe.

(Elundululo.)

OUA JUULUKUA KUUDA OMBEPO?

Oua juulukua kuuuda Ombepo ndjo taji tondoka mo momauuvaneko? Oomuenjo tuu doka kadi na sha hadi mu peua ku Jesusa.

Uujuuki mbu uetu kau longele sha, uujuuki mbu ue omaganolela. Kondundu jesindano ligamena ojo ndjoka ja Golgata.

Tala shimue ngoji to shi vulu tuu mpo, u tse oongolo poompadi dOmuaa tuu ngo. Kuata kooniga do doshijambelo nokuindil' ejambeko.

Poshijambelo ngeji to ka tegelela, tala Jesus Omuaa, oje Onzigona. Oonkondo dOmbepo oko di li po mpo di vule elalakano.

Uunkundi mbu uoje u hokolola nosho oonjata domeni ku Jesusa Oonkondo daankundi Okristusa oj' omukuaci ita njengua ku sha.

Mijuma tuu mbjoka kaji na sha omagano ngo haga tililua. Ngashi nardus ga aluda iilalo mbi, osho uo ejambeko ndi.

Omulonga guOmbepo tau eguluka, oonkondo dombinzi ta jelica. Na Jesus ta tenteke iikaha je nuujamba ta laleke.

OMUKRISTE OLJE?

Oje tuu ngoka Kalunga e mu kuca po einkele kehe ljokuinekela uuanaua ue mue je neinekelo ndjoka uo tali ti: „Ongame nge he kambadala noonkondo da-

-Kuaca ndje u jeluca kashona omutse guandje u tule ko oshiguilo sha sha.

Omusita a kua ompunda jomukuiita nokue ji guilike kohi jomutse gue.

Omukuacua a pandula nokua guedele ko:

-Ando ndi mone sha shokuisiikila. Onda suutalala.

Omusita okui ihula ombajikica je nokue mu siikile najo.

Omujuhua sho kua mono ohole ji cike mpono okua lombuele omusita a ti:

- Membo ljoje ngele omu noohapu tadi kumagida omuntu okulonga iilonga ja fa mbino joje, leshela ndje mo, ndi pulakene.

„NEFUTA KALI KO UE.”

Ehol. 21:1.

Omukriste gumue ta hempulula oohapu dika e ta ti: Oohapu dika hadi talaleke ndje no hadi kumike ndje aluhe.

Oshoka efuta ndika oljo edidiliko ljetopoko, ihe uuna kali ko ue, netopoko ndika ljookume naaholike kali kala ko ue.

Efuta oljo isheue edidiliko ljokuaanevululuko-negundjilo mukukalamuenjo kuo kombanda jevi ndika. Onke evululuko negundjilo kali ko nkuka - ihe li li palue handijaka.

Natango tuu efuta oljo isheue edidiliko ljiiponga. Oshoka pomaha galjo ogendji go pominkulo to mono omishigakano edimbulico ljaamboka ja sile muljo iiponga. Eeno, no komunkulo uo guéfuta ljiiponga jo mukukalamuenjo kuetu, oku nomushigakano gu oku Golgata, tagu tu ulukile handijaka kuaa na ue efuta ndjoka.

No natango tuu efuta oljo edidiliko ljiiholekua; nokutja, uuna ndoka efuta tali kala lja po ue, ajihe otaji tu jelele notatu kala tu ji uvite ko. -

Pilgrim.

Lja lundululua ku T. Andreas.

IIPONGA.

Petrus Hamoshili, Walvisbay, okua mona omunhu ta fi efjo lombadilila momeva.

F. Elia, Luderits, ota hokolola ta ti: Mu September omudo ua pita omukuetu umue okua hangika komukifi uohonde. A kala ashike omafiku manini nokua hulifa ouenda uaje. Onda mona vali ovalumentu 30 va kandomua kololi ndelene inapa fja nande umue.

Pinehas Simson, Bethanie, okua mono okanonona ka pumua noonkondo koshihauto nombinzi ja tika shili.

S. J., Tsumeb, okua mono okajemele aka haka tuala ovantu momiina, ka tokoka. Na ava va li mo ova teka nai.

OMALAKA.

taga popiua kombanda jevi alihe ge li po 2796. Omibibeli ajihe ja lundululua momalaka ge cike 191, Etestamenti Epe momalaka 246, omambo gamue gomomibibeli ga lundululua momalaka ge cike 1125.

EGALIKANO OLJU UUVIKA.

Moodila oonene doka hadi endica aantu ohamu kala uo omukadona ngoka ta jakula aajenda. Ote ja ulukile omahala gauo, ote ja etele iikulja, ote ja pe omuti ngele kaje li naua osho nosho.

Esiku limue odila ja t'a ngaa'a oje ende mu England moshikungulu oshidigu. Onbepo oja denge odila naji, sigo omashina gajo ga njengua oku ji endica. Odila ajihe oja tameke okuguila pevi. Aantu mbo-ka ja aadika mo, oja kuatua kahaluko enene sho oje shi je nokusa Ihe omukadona ngoka omujakuli okue ja lombuele:

- Tu galikanani Kalunga e tu hupice.

Ojo no ja galikana, manga odila taji gu ko.

Kalunga noku uuvu omagalikano gauo. Odila sho ja guile pevi, ombinga jajo jokonima oja jonukilila, ihe aantu inaa mona oshiponga sha sha.

Katu shiuo ashike jangapi jomujo ja dimbulukua uo okuhambelelela Kalunga ehupico ndjoka.

KRISTUS OKUE TU JAPULA.

Otua japulua okegandjo ljolutu lua Jesus Kristus oluumue aluke. Oshoka oje tuu nguka Kristus Jesus e tu ningilua uunongo ku Kalunga, nuujuuki nuujapuki nekulilo, opo pu ninge ngashi kua njolua: „Ongoka ti itanga, ni itangele mOmua.” Oshoka shono sha njenge ompango, sho ja njengicua konjama, Kalunga okue shi ningi, sho kua tumu Omuna gue muene omolupe luonjama ja nik' uulunde, nomolu uulunde, nokua pangula uulunde monjama. Ano uulunde inau pangela momalutu geni omasi, mu vulike ando kuuhalu uago, niiljo jeni inamu ji gandja kuulunde ngomatati guukolokoshi, ihe igandjeni one jene ku Kalunga, nga mboka ja jumuka kuusi, niiljo jeni ngomatati guujuuki ku Kalunga. Oshoka mua kulilua niikulila iidigu. Simanekeni ano Kalunga momalutu geni. Kaleni hamu ende nokutila ecimbo ndika ljuundjendi ueni, sho mu shi shi, one inamu kulilua niinima haji hulu po, oshisilveri noshingoli omokukala kueni kuonaale mue ku cigulula kooho, aue, onombinzi odigu nondjapuki ja Kristus, onga ndjika jonzi kaji noshiponga no kaji nonjata. Oje ngoka ina tseja uulunde nando, Kalunga okue mu ningi uulunde peha ljetu, opo tu ninge uujuuki ua Kalunga omuje.

Kalunga na hambelelelelele omagano ge kaga uapa sha:

(Etumbulo kehe ljomoshinjolua shika otali monika uo mEtestamenti Epe. Ando u ga konge mo ano, ngele to vulu oku ga mona, u leshe uo oohapu dopuushiinda uago, Osho ngeji to ilongo okulongica Etestamenti ljoje.)

OMUJUUKI NOMUKRISTE.

„Shika sha valua moojama, onjama, na shika valua mOmbepo, ombepo.” Joh. 3:6.

Onde shi popi oluindji, nkene tu nokujoolola naua pokati komulumentu omujuuki nokomukriste. Eeno, ohatu pandula nima, sho e li po omujuuki - nosha guana uo okupandulua, oshoka osho omagano ga zi ku Kalunga ngashi etango nomuedi, niilja nomavinu na ashike shoka sha shitua. Ihe iinima kaji nokupilulua mumue. Omulumentu omujuuki u noku mu pandula montaneho juujuni u tje: „Oshoopala noshinaua, muujuni muujuni sho mu na omuntu omujuuki.” Ihe kee shi omukriste natango. Omukuamuhamed nomupagani uo ota vulu okukala omujuuki. Aalumentu ojendji ja tja ngaaka aanamadina oja kala po naale. Sho itashi tu kumica, oshoka mongundu jaauinaji je cike mpoka otamu vulu okumonika uo omujuuki. Ihe nando na kale omujuuki e cike peni, muujuuki mbo-ka ue ota kala natango omuna gua Adam, tashi ti: omuntu guopanshitue, kohi juulunde nojeso.

Ihe ngele to kongo omukriste, u nokulonda kombanda muule, oshoka oje omuntu i ilielela, a valua kombanda, omOmbepo. Oje omuna gua Kalunga nomucigululi guegulu.

Martin Luther.

OMBILI JUJUNI TAJI LALAKANENUA.

Uujuni uongashingeji ouo uomapijagano, uujuni uiita, uujuni uaa nombili. Kevi ndika oko ku na omalugodi omanene gevi, nosho uo etondoko ljombinzi lja geje noonkondo. Omukuetu ino tja sho u li paandjeni u li naua u diladile osho uujuni auhe u li, aue uukolo-koshi nuududu aube.

Otaku tiua: Tegeleleni iilonga ja Kalunga nomumvo nguka. Osho shili Kalunga okua hala okulonga sha moomuenjo aantu omumvo tuu nguka. Ngashi taku hokololua miifo joonkundana, kutja aapangeli jii-longo iinene juujuni oja zimine ombili opo omalugodi ga hule po ando muujuni. Pu na okuningua tango oshigongi shaakuluntu moka tamu kundacanua ombili. „Tegelela iilonga iinene ja Kalunga momumvo nguka.“

Omapijagano agehe Kalunga okua hala oku ga mana po. Unene huno ku Union, omapijagano ga vuka shili noonkondo. Mokrismesa etukutuku ljaavu o-lja humbata aantu 222 ja monicacana iiponga noomuele noondjembo. Jamue jauo oja sa nokuli. Natu galikani Kalunga okukala kuatja ngeji kuaa holoke mevi ljetu ljaauambo. Ihe tu kale nombili, tse tu kuacacane omondjila ndjika jomuenjo. A. S. Jason.

Ombili itaji ka kala taji kolelele kombanda jevi, manga Omuaa Jesus ine ja okudika oshilongo she kombanda jevi. Ngele pu nuutondue nesilacano efupa pokati kaashiinda naashiinda na pokati komuntu nomukuauo, iilongo ji kalacane ngiini ji nombili? Omuenjo guomuntu gu nokulunduluka. Oua pitike tuu Jesus a ninge omupangeli momuenjo guoje? Tua guana okugalikana, a kandule po ediladilo kehe euinaji moomuenjo detu, je a tilile mo ohole je.

„Omukuetu.“

OHEPELE.

Opua li ombuiti jimue ja kala kUushimba omimvo 36. Ojo ja adika kondjuulukue oku ka talela po aamuajina naakuauo. Oje okua longele naua iinima je ajihe. Okua li e na omitsuhu odindji. Ano sho kue ja maandjauo, okua kundua nenjanju.

Esiku lja nofu, aamuajina oje mu ningile oshituci shekundo, oku mu popica noohapu da Kalunga. Ojo ja gongalele poshinjanga shimue sho opalekua no ji imbi oondjimbo nenjanju enene. Ombuiti sho ja tala aamuajina, oja li ji uete ja zala je ji vule. Ja zala omutsuhu guetamenti nohema jepsalmi. Egala ljombibeli noongaku degalikano lJomuaa. Ofilipusa ojeimbilo nonasituke jokatekica. Ajehe ji ilongekida naua oku mu popica, niipala jauo ja li taji adima kenjanju.

Ombuiti oja dimbulula oluhepo luajo. Sho ja tala moshikeca shajo, kamua li nando etamenti nenge embo kehe ljoohapu da Kalunga. Ajihe mbjoka e ja najo ja ningi iijagaja momeho ge. Oku li po ti ikongele etamenti moka mu na eliko lJashili oJesus.

Omuaa na hambelelue sho ta tsikulula aaposi joomuenjo ja dimbulule iinima juujuni mbuka ojo iijagaja jouala jo ja konge uujamba uaaluhe.

Sakeus Mela.

INO KANICA UULAADI.

Jona 2:5. Ongoje ho jematele moluoje muene. Oondjo doje otadi ku ciminike tuu okutala shili Kristus? Osho shu uka, ihe ngele hangaka, nena ejemato ljoje oljo uufudime uouala. Okutala uudiginini uomiilonga joje, u nokutala tango Kristus, oshoka okutala mbjoka taku ku inenepekica ihe okutala esilohenda, otaku ku ishonopekica. Okesilohenda mua hupicua. Ef. 2:5,8.

Okumakelua kuoje nando okunenene, ino kanica uulaadi uoje. Joh. 1:2. Omakucikuci guudigu itage ku ninginica, nando otage ku jelukica, otage ku jelukica ouala u cikame kemanja — Kristus. Ongoje to vulu okukanica uulaadi e to uvu ua fa ua kulukicilua posheelo shoheli, konjala u guile mo. Kaku na ngoka a vulu okukulukicilua muule u vule ombogo joheli. To vulu okukugagana nkujaka, naankujaka uo to uapa okuligamena luokotempeli ondjapuki jOmuaa. Jona 2:5. Aajogua ajehe ja pitikilua okuja motempeli ndjoka ja longua kiikaha, omolua kehe mua li mu nokuettelua ecetondjambo. Iil. 21:26. Ihe ngashingeji Kristus oje otempeli nejambo, nejambelo nomusaseri omukuluntu kutse. Aanandjo ajehe taje ja kuje no kaje nejambolilue, oshoka oja jambelua ku Jesus ombinzi je. Heb. 7:27.

Ino kanica ano uuladi uoje. Kala u netegameno aluhe. Uuna iikogo ja luuda u tale Kristus oje ongudi jesilohenda no johole jahe ja kolelela. Oja dikilua megulu opo aanandjo ajehe je ji tale aluhe. Ino itaala shoka satana nomuenjo guoje tagu ti notagu shi hala. Ohapu ja Kristus ojo ohapu jetokolo. Oje omupanguli gaaanamuenjo no guaasi, nepangulo lJahugunina oje tuu te li tumbula. Ombinzi je otaji tu uvicele egeulukico. Kol. 1:20; neceto Joh. 1:7; neshashameno Heb. 9:13; okulonda Iil. 20:28; okukulila 1 Petr. 1:18-19; nedimopo lJoonndjo Heb. 9:22;

Emangululo Heb. 10:19; okupangula omujuuki Rom. 5:9; okuja popepi na Kalunga Ef. 2:13.

Nando eta limue ljombinzi ndjika itali ka kana. Cikama u pulakene Omuaa Kalunga sho ta ti, ota uvanekele aantu je ombili jaa shune ue muvgoja. Eps. 85:9. Oje ta popi esilohenda nolukeno nombili 2 Tim. 1:12. Ohe na Kristus taa popi elaka lja tja ngaka, ongoje u tegelele eholoko uuna ta holoka onjocingula Ehol. 22:16. Oshili ngashika ongula taji ja je te ja uo, je e netalaleko nga ndjoka ljomvula jocinge. Hos. 6:3.

Amalia Amupembe.

OJE OKUA JAKULA TANGO.

Omunitagongalo kua li te ende mokati kaajahua miita a uape oku ja topelela etalaleko ljomoohapu da Kalunga. Okue ja komugundjuka gumue a adika a lala pevi a jahua. Omusita e mu pula a ti:

- Oua hala okuleshelua oohapu da Kalunga?

- Omujahua a ti:

- Onda senota unene. Ando ndi peue omeja nando omashona.

Omusita e ke mu talela po omeja momulonga gu li popepi.

Omugundjuka sho kua peua omeja, okua ti:

OOMBIRIVE.

David Jairus, Tsumeb, oku nekundo: Otse mboka aankundi ujuni oua hala oku tu kuata noku tu manga noku tu edilila mondolongo jauo. Onke tu kondjeni oojakuetu sigo eso, inatu kondjeni e tatu gondjo. Omukriste penduka po ngu zimbuke ku mbika juujuni. Jesus a hala e ku hupice meso ljaaluhe.

Johannes Jiho, Otavi, okua li e noshimpuju oshoka mu Otavi mua li ihaamu ningua osondaha jaaumbo, ihe ngashingeji oku uvite enjanju oshoka ngashingeji aauambo joma Otavi ohaa ningilua osondaha.

Amon Josafat, Luderits, ote tu tsomajele ta ti: Ngele u li po ua vulua, jeca omaako goje, Omua no te ku jambula.

Isak Wilhelm, Okahandja, oku uvite oluhodi omolu aanamagumbo ojendji je li po jaa na noomvalo dauo. Iilja oje na igadi juuda, ihe ojana otaja longo nondjala. Omusamane oku noshikeca sha cindua oonguo, ihe ojana taje ende oimalutu gouala. Inamu hepeka ue oomvalo deni ngaaka.

Samuel Moses, Eenana, oku nekumaido: Kala meitavelo la kola.

F. Shihuanu, Ondobe Jeni, oku nehambelero sho Kalunga a tula po aapukululi mokati ketu mboka taje tu pukulula mondjila ndjika jomuenjo.

Paulus Hamukujaja, Windhoek, ota hambelero Kalunga molu ovataleli po va dile kOuambo, va li ve na omulongelo muua, omulongelo uoipeuanghenda ja Kalunga.

Abraham Alfeus, Orangemund, oku nelaka tali ti: „Omulnelago ongoka edina lje lja njolelua moramata jomuenjo.”

Petrus Natanael, Windhoek, ote tu lombuele tu indile ngashi omupsalmi tu tje, „Omua, edilila ndje metsali ljoje. ndi kale mo, ndi kale megameno ljoje.”

Abisai Elia, Bethanie, oku noluhodi oshoka uulunde u li po ui indjipala u vule uujuuki, „Onke, ta ti: „Tu tonateni oojakuetu.”

Fridrik Hai, Outjo, ote tu londoda ta ti: „Tu kaleni ova-diinini mokuilikana, tuha jiue nafje komutondi.”

Immanuel Hamulondo, Swakopmund, oku nelondodo: „Pomasiku gahugunina otaku ja aashkekikalunga haja landula omakamba gauo gukaanakonashanakalunga.”

Johannes Mateus, Swakopmund, ota ti: „Ond'uvite oluhodi molu aamati ojendji mboka haje ja mUushimba. Ojo aakristelela ngele je li mOuambo, ihe shampa je ja mUushimba, otaja tameke okushekica edina lja Kristus nomalutu gauo. Olutu oluo otempeli jOmbepe Ondjapuki, onke nalu kale lua japulilua Kalunga.”

Festus Teodor, Windhoek, ote tu tsu oondunge ta ti: „Shimue ashike aamuameme shi nekuaco, eliko ljashili oJesus.”

Stefanus Hamukujaja, Outjo, oku nepulo: Omolua shike ovanhu itava tila epangulo tal'uja? Nande kua tiua: „Djeni mo nje ovanhu vange.”

Reinhold Selikita, Tsumeb, ta ti: Ovaholike tu lidilululeni tu aluke mondjila johokue jaajo jounjuni, tje tu jeni mondjila ei jomuenjo itai hulu po. Ounjuni nouua uauo aushe otai hulu po.

Teofilus Petrus, Walvisbay, oku nepulo: Olje ta vulu okujanda po epangulo ljahugunina ngele kee na Omua Jesus?

Naftali Shivute, Orangemund, ote tu tsu omukumo: Diginina opo u monike ku Kalunga ongoje omudiginini.

Paulus Shikokola, Windhoek, oku nelaka: Jesus Kristus oje tuu nguka ohela nonena nosigo aluhe.

Rafael Shihuanu, Windhoek, ota ti: Kristus ngele te ja, ote ku ada u li ngiini? Pamue te ku ada omulanduli guomilema, nenge te ku ada tuu ue mu tegelela nondjulukue?

J. Shimoshili, Tsumeb, ote tu londoda: Ngashi oluaadi talu shela kuuzilo sigo kuuninginino, osho okuja kua Jesus taku ka kala.

Junias Kakumbi, Orangemund, oku nelaka: Omatati gomukriste ogo egalikano noohapu da Kalunga.

Immanuel Uguanga, Okahandja, oku uvite oluhodi oshoka aantu ojendji itaja lalakanene elago ljaaluhe. Ando otu kaleni nehalo notu tjeni: Otandi shi matukile ndi shi ade.

Petrus Eelu, Windhoek, ota hokolola: Opuu li omulumentu gumue omuhuangi. Esiku limue sho a li a jono okua tulu mondolongo nuuhuangi ue. Kotoka omukuetu, oheli itaji tila uuhuangi uoje.

Albin Abed, Orangemund, oku nenjanju, nota ti: Otse aauambo otua silua ohenda sho tua mono evangeli ljehipico.

S. Jonathan, Walvisbay, ote tu popifa nelaka eli: Penduka ou to kofa. Kristus note ku minikile.

Filippus Elia, Luderits, ota ti: Omueue iha tale olutu luomuntu, ndelene oha tale meni mokosoka komadiladilo mai.

Johannes Namueja, Orangemund, ota dimbulua mboka haa ti, ongula otandi ka longa shontumba no shongandi ta ti: Eso olje ku landula, shaa mpoka u li po, ou li neso.

David Nangolo, Otjivarongo, ota ti: Omutondadi okua kuna nota kunu sigo onena ombuto je ombuinaji maantu, onke tu galikaneni Kalunga a dipage mo mutse ombuto ndjoka ombuinaji tse tu kale tu nombuto ndjoka ombuanaua, oje EITAALO.

Ruben Martin, Windhoek, ta ti: Ecimbo ljoopala ongashingeji. One oojakuetu mu li mOuambo omu nelago oshoka aakuluntu tamu vulu kugongala moongundumbimbeli deni, aagundjuka omii-gongi jeni nuunona omooskola deni. Omo moka tamu popicua noohapu da Kalunga. Ihe tse mbaka tu li huka mehalakano otu li moluhepo shili. Omua guana okuhambelero Kalunga omolua shoka, ihe shimue ashike, inamu eca omagano omanene ga Kalunga ge cike mpoka ga hepe ouala.

JUNIE

- | | |
|-------|--|
| 1 M. | 5 Mos. 6:4-13. Iil. 4:13-22. |
| 2 D. | 1 Aakuan. 8:6-14, 22, 23, 26-30. Iil. 4:23-31. |
| 3 W. | Ef. 4:1-6. Iil. 4:32-37. |
| 4 Do. | 1 Tim. 3:14-16. Iil. 5:1-11. |
| 5 V. | Ef. 1:3-14. Iil. 5:12-16. |
| 6 Sa. | Joh. 5:17-23. Iil. 5:17-33. 5 Mos. 6:4-13. |

1 Tim. 6:6-12. Mat. 16:24-27. Dan. 5:1-9, 13-17, 25-30.

- | | |
|--------|---|
| 7 S. | Os. 1 ja landula Ukuuatatu. |
| 8 M. | 2 Tim. 3:14-17. Iil. 6. |
| 9 D. | Hes. 2:1-7. Iil. 7:1-16 |
| 10 W. | Joh. 5:41-47. Iil. 7:17-37. |
| 11 Do. | Ef. 4:11-16. Iil. 7:38-53. |
| 12 V. | Hes. 3:22-27. Iil. 7:54-8:4. |
| 13 Sa. | Jes. 5:1-7. Iil. 8:5-25 Omajelet. 9:1-10. |

2 Petr. 1:1-11. Luk. 9:51-62. Eps. 36:6-11.

- | | |
|--------|-------------------------------------|
| 14 S. | Os. 2 ja landula Ukuuatatu. |
| 15 M. | Joh. 4:4-14. Iil. 9:1-9. |
| 16 D. | Omuuvici 5:1-6. Iil. 9:10-19. |
| 17 W. | Mat. 11:25-30. Iil. 9:20-31. |
| 18 Do. | 1 Kor. 14:1-4, 23-25. Iil. 9:32-43. |
| 19 V. | 1 Kor. 1:20-25. Iil. 10:1-20. |
| 20 Sa. | Jak. 2:1-9. Iil. 10:21-33. Jes. 12. |

Ef. 2:1-10. Mat. 9:9-13. Hes. 34:11-16.

- | | |
|--------|---|
| 21 S. | Os. 3. ja landula Ukuuatatu. |
| 22 M. | Mark. 2:1-12. Iil. 11: 1-18. |
| 23 D. | Aapangeli 10:6-16. Iil. 11:19-30. |
| 24 W. | Iil. 13:16-25. Mark. 6:14-29. Jes. 54:7-10. |
| 25 Do. | Mat. 1:3-12. Iil. 12:18-25. |
| 26 V. | Luk. 12: 49- 53. Hes. 1:1-3, 2:1-7. |
| 27 Sa. | Joh. 10:40-42. Hes. 3:16-21. Jes. 65:17-19, 24, 25. |

Rom. 14:10-19. Mat. 7:1-6. Mika 6:8.

- | | |
|-------|-------------------------------|
| 28 S. | Os. 4 ja landula Ukuuatatu. |
| 29 M. | Joh. 8:1-11. Hes. 7:1-10. |
| 30 D. | 2 Kor. 2:5-11. Hes. 11:14-21. |

mbo li cike pomimvo 23 okua kala omulongi omudiginini kOniipa, kOnajena, kOshitaji, kOshigambo mokagumbo no moskola jaanona, sigo a shunua ihe kOshitaji nkoka Omuua e mu zimbula ngashingeji.

Aantũ mboka ja li je mu limbililua noja ti: omukadona omuuambo ta vulu okukala omulongi guoskola, oja sicur ohoni. Johanna okua peua oshilonga oshile. Noje okua longo aanona naagundjuka jomOndonga. Omboka ja longua kuje oje li po ojendji, nojo otaa vulu okuhokolola, nkene okua li omudiginini moshilonga she omimvo dika adihe.

Okua kala uo omuputudi omudiginini guaanona mboka e ja cigilua komuujina.

Oshikokola sha Johanna sha li oshidigu, no she mu etele uehame nomahodi, ihe omolu uudiginini ue ondjila ja palelua, aalongikadona jongashingeji ja uape oku mu landula moshilonga.

Mu Johanna Kalunga okua ulukile, nkene oje a hala no ta vulu okulongica omukadona omuuambo moshilonga shuulongi, naakadona ojendji ja landula ondjila ndjoka je ji ulukilua ku Johanna. Kashona na kashona aakadona ja tameke okuja moseminari jokOniipa sigo ongundu jauo ja tameke okutana, nohugunina oja mono oseminari jauo jene kOngandjera.

Omumvo 1948 Johanna a tsakanica omimvo 20 muulongi, nomumvo tuu nguka aalongikadona jotango ja piti moseminari jauo jokOngandjera. Oshikokola shomuntu gumue sha ningi oshilongo shi naantu ojendji.

Kalunga na hambelelue sho kua tala Johanna oje omudiginini, nokue mu tula moshilonga she. 1 Tim. 1:12.

Ano Kalunga a mone mongundu jaakadona mboka ja landula Johanna moshilonga shuulongi natango ojendji mboka taa monika aadiginini sigo okusa.

Dimbulukueni aakuluntu jeni je mu uuvicile oohapu da Kalunga; taleni ehulilo ljoondjenda dauo, hololeni eitaalo ljauo. Heb. 13:7.

L. L.

EGALIKANO.

Omolua shike egalikano tali pumbiua? Otali pumbiua oshoka muljo omu na uujelele ouindji tau minikile. (a) Ano ngashika megalikano, omo tatu humicua komeho mokukalamuenjo pambepo. (b) Megalikano omo moka tatu peua eikonakono, sigo tatu dimbulula oondjo detu. (c) Megalikano omo tatu longua uo uujelele uohapu da Kalunga. (d) Megalikano omo tatu uulikua momacimbo gomalimbililo, e tatu ulukilua ihe ondjila ndioka tu nokuenda najo, juuka. (e) Megalikano omo tatu peua oonkondo nesindano. (f) Megalikano omo tatu peua oonkondo dokulongela Omuua. (g) Megalikano omo tamu gandjua eitedululo ljo-kuitedululica aalunde (h) Megalikano omo tamu gandjua ejambeko ljomagongalo.

Oshoka omutondi okua hala a halakanice po egongalo lja Kristus, onke oje ta tumu aluhe aalongi aafundja, mboka taa kunu oonjata moomuenjo daantu nuunaji kehe. Ihe megalikano omo tatu peua uudiginini okudiginina ondjila ndjoka juuka tu nokuenda na jo. Nena oshilalakanenua kehe shuunaji otashi kana po.

Omuua Jesus ota kongo aagalikani. Oje ote ja megalikano ljoje, no te ja uo okukonga momuenjo gua.

ndje. Nenge otse otua fa omukuju nguijaka guali omuuanaua mokutala niifo jaguo joopala, ihe kagua li gu na oonkuju?

Lja lundululua pafupi mu
„Oorvloedige Lewe.”
Alfrid Jason.

OLUENDO LUOMUUJELE.

Omukriste gumue a ende oluendo nduka. Nando okua li po omukokele, okua li omudiginini okugongala kiigongi joohapu da Kalunga. Oje kua li gumue guomokangundu hejaka ki icanua „okangundu kaagalikani.” Oje kua li e nomukumo moluendo ndoka. Okua kuatua kuuvu nokua lala mombete je ja hugunina muujuni muka. Mokukala muuehame mbuka okua li e netegameno nenjanju okutembuka nokuja kOmukulili Jesus.

Ecimbo lje ljokutembuka sho lja cikana, okua lombuele omupangi gue komatango, ta ti: „Pungame opue ja aajenda jomegulu, ju ulukile ndje oshishani shandje, noja ti otaa ile ndje potundi ontintatu juusiku.” Osho a tja, nuusiku ouo tuu mboka a man'oondjenda. Aakaleli sho je ke shi lombuela omupangi, oje a tala kotundi. Ecimbo oljo tuu naanaa ndjoka omuvu kua li popile. Osho a ji nenjanju kOmuua gue.

Okukala kuomukriste nguno okua jelicile ndje naua shoka kua li sha tsimina ndje, kutja omuntu ota vulu ngini okuenda moluendo luujelele manga e li kevi ndika. Omukuetu nguka moluendo lue okua fa a dimbua mbika jokevi nokua lalakanene jokombanda. Omukriste omukuetu, oho ende moluendo luni po oluo tuu nduka luomuujelele? Ngele hamo, tameka ano nena. Ngoje nguka ho ende mo, tonata shili. Onke ano ongoka e shi a cikama, na tale ka ihate po. 1Kor. 10:12.

„Ano shino shi ningeni ecimbo ndika sho mu li shi nokutja otundi ja cikana mu penduke moomposi; oshoka ehupico ljetu li li popepi natse ngashingeji, li vule ljesiku ndjoka tua tameke okuiitaala. Uusiku ua ti kongulasha, nomutenja gu li popepi. Tu ihuleni ano iilonga jomilema, tse tu ho nateni omahuahua guujelele. Rom. 13:11-12.”

S. S.

OINIMA IVALI.

1. Oshinima shotete ondi na ehafo linene eshi oshilongo shetu sha mono odula. Ojo Tate Kalunga e i tu tumina ojo Omepo Ijapuki, eshi ja loko meemuenjo davahapu. Noja koleka eitavelo meemuenjo davo. Noja minikila mo, nde tava mono numbi eemuenjo davo dijadi onjata ei ove i kunga mo. Eshi osha etela nge ehafo linene eshi Kalunga a dimbulukua oshiuana shaje eshi kua li sha kala omutumba nomatimba nokue shi pa eenkono, mepapuduko shi hume komesho, ohoole nefilonkenda la Kalunga olinene shili lihe shi okujelekua.

2. Oshinima oshitivali osheshi ehafo olo nda kala ndi li na paife otali hale okufja oun undi, molua vakuetu ovo kua li va mona etililo lOmepo Ijapuki, nokua li va ekelashi aishe oje ja li je va njateka, paife eshi, ondu udite vali tave alukile. Vakuetu nje, ava mua efa aishe ojo, no mue shi dimbulukua ojo tuu naanaa taji eta oshiponga nomujo tamu di eulunde noui aushe, hano ovakuetu inamu i alukila vali, dimbulukueni hano mo-Bibeli taku tiua: eembua odo hadi alukile konkungo, noingulu ja koshua ohaji alangatele monata. 2 Petr. 2:22

Andreas Gotlieb.
Berg-Aukas mine.

OKAKOLOLO KAAONA.

UUNGULU UUTATU.

1.

Naalenaale moshilongo shontumba omua li mu nshingulu shi nuungulu uutatu. Uungulu mboka sho ua koko kashona, jina okue u laleke u ki ikongele iipaluca jauo. Okua ti: „Uunguluena uandje, indení ngasinengeji mu ka konge elago ljení muujuni. Ihe omu noku-dimbulukua: uujuni u uud'iiponga. Kaleni mua kotoka no mu noondunge. Uunene ope noshilikama shimue mu noku shi tila, osho embungu. Oshoka oljo li hoolé okulja uungulu uushona ngashi ne mu li po. Li kotokeleni ano naua!”

Osho ngeji uungulu mboka uutatu ua tameke okuenda. Mokuenda kuauo oua tala uujuni no ue u mono uo oopala shili. Ouo inau mona oshiponga sha sha. Onkee ua kuatua kuupenda ouindji no ua tameke okuimba:

- Uungulu uutatu mbu, uutatu mbu,
kau tila embungu,
la-la-la-la-laa!

Sho ua ende ngeji oshikako shimue oua tameke okudiladila, nkene u nokukala muujuni, no ua uvacana kehe kamue ki itungile egumbo nenge ongulu moka ka uape okukala mó. Onkee ua tameke okukonga iitungica jo oopala.


Moku ji konge ngeji oua tsakaneeke omukadona a humbata oshihampi shihenguti. Okangulu kamue oku uuka kuje noka pula: „Kuaca ndje iihenguti joje, opo ndi itungile egumbo ljangje.” Omukadona nokue ka kuaca iihenguti mbjoka. Ihe uungulu uukuauo oua ti: „Ihenguti ojo iipu uunene. Atuja tu ka tale, ngele tatu mono iitungica iuanaua ji ji vule.” No ua ji.

Mokuja kuauo oua tsakaneeke omumati a humbata iihuali. Moku mu mona okangulu kamue oku uuka kuje noka ti: „Kuaca ndje iihuali joje, opo ndi itungile egumbo ljangje.” Omumati nokue ka kuaca iihuali mbjoka. Ihe okangulu okatitatu oke ji tala noka ti: „Ngame itandi panda iihuali, najo uo iipu uunene. Onda hala ndi ka konge iitungica ja kola shili.” Oko no ka ji.


Mokuenda kuako okangulu nkoka oka tsakaneeke omusamane ta hingi etemba li nofraha joombaskena. Oka ka popica omusamane noka ti: „Tatekulu, kuaca ndje oombaskena dika, opo ndi uape okuitungila ongulu ndi kale mo.” Omusamane nokue ka kuaca oombaskena de adihe.

Okangulu noka tameke okutungu. Oka lungu omunoko mediya noke gu tutile ketungo ljako. Omutenja ogua tsu noshilonga osha li po oshidigu, ihe okangulu nkoka okapenda oka diladila: „Sha aalula shi nondjambi”, noka diginine ouala sigo ongulu ja pu kutungua.

(Tadi tsikilua moshifo tashi ja.)



8. Ihe enima ndjoka tali injenge momeja eshike? Ongandu ojo tuu taji uka ku Shitarara, oje no ite ji dimbulula nando. Elago lje sho ta ciki tuu komunkulo, manga ongandu inaji mu ada. Mokegeja kuajo ongandu taji mu landula no puukukutu, taji endelele. Oji li po taji hala okukuata Shitarara, ihe nguka ta matuka ta henuka. Ongandu no taji mu eca ihe.



OMAJAMUKULO KOMAPULO GOMU APRIL

1. Jesus okua valelua mu Betlehem sha Judea.
2. He ja Jesus oje Kalunga.
3. Andreas oje gumue guomaalongua jotango jaali.
4. Omujapostoli Simon Petrus a adika a hokana, oshoka mu Lukas 4 tamu popiua jinamuenu.
5. Mateus okua li ha njola omajalulo goompale, manga ina njola evangeli.
6. Jesus okua tida mo mu Maria Magdaleena ompuiduli hejaali.
7. Johannes omushashi okua ti: „Jesus e nokukoka, ihe ngame ndi nokushonopala.”

9. Shitarara a kuutumba pevi, a vuulua unene. Ondjala je mu hepeke uo. Oti ipopile, ta ti: „Ndi uke peni andola? Natango tuu ndi nokulala pondje? Ando ndi mone ngoka ta longo ndje okutseja Jesus.” Oje no ta tameke okugalikana isheue. Opo tuu mpoka taku uvika engelengendo lja zi kokule. Ongendo jongerki taji tsejica, osondaha ja heda popepi. Ihe Shitarara ine shi tseja, a kumua ashike, ta ti: „Oshike shino?” Otu uka mpoka eui tali zi e ta ciki kongerki. Ota taambua megumbo ljomusitagongalo a lice iimuna je. Ota mono uo ompito jokuja Moskola. Nenjanju ta tegelele esiku ljeshasho a ninge shili gua Jesus.

OOMBIRIVE.

David Jairus, Tsumeb, oku nekundo: Otse mboka aanku-ndi uujuni oua hala oku tu kuata noku tu manga noku tu edilila mondolongo jao. Onke tu kondjeni oojakuetu sigo eso, inatu kondjeni e tatu gondjo. Omukriste penduka po ngu zimbuke ku mbika juujuni. Jesus a hala e ku hupice meso ljaaluhe.

Johannes Jihó, Otavi, okua li e noshimpuju oshoka mu Otavi mua li ihaamu ningua osondaha jaaambo, ihe, ngashingeji oku uvite enjanju oshoka ngashingeji aauambo jomu Otavi ohaa ningilua osondaha.

Amón Josafat, Luderits, ote tu tsomajele ta ti: Ngele u li po ua vulua, jeca omaako goje, Omua no te ku jambula.

Isak Wilhelm, Okahandja, oku uvite oluhodi omolu aana-gumbo ojendji je li po jaa na noomvalo dauo. Iilja oje na ligadi juuda, ihe ojana otaja longo nondjala. Omusamane oku no-shikeca sha cindua oonguu, ihe ojana taje ende omalutu gouala. Inamu hepeka ue oomvalo deni ngaaka.

Samuel Moses, Eenana, oku nekumaido: Kala meitavelo la kola.

F. Shihuan du, Ondobe Jenó, oku nehambelero sho Kalunga a tula po aapukululi mokati ketu mboka taje tu pukulula mondjila ndjika jomuenjo.

Paulus Hamukua ja, Windhoek, ota hambelero Kalunga molu ovataleli po va dile kOuambo, va li ve na omulongelo muua, omulongelo uoipeuanghenda ja Kalunga.

Abraham Alfeus, Orangemund, oku nelaka tali ti: „Omu-nelago ongoka edina lje lja njolelua moramata jomuenjo.”

Petrus Natanael, Windhoek, ote tu lombuele tu indile nga-shi omupsalmi tu tje, „Omua, edilila ndje metsali ljoje. ndi kale mo, ndi kalé megameno ljoje.”

Abisai Elia, Bethanie, oku noluhodi oshoka uulunde u li po ui indjipala u vule ujuuki, Onke ta ti: „Tu tonateni oojakuetu.”

Fridrik Hai, Outjo, ote tu londoda ta ti: „Tu kaleni ova-diinini mokuilikana, tuha jiue nafje komutondi.”

Immanuel Hamulondo, Swakopmund, oku nelondodo: „Pomasiku gahugunina otaku ja aashkekikalunga haja landula oma-kamba gauo gukaanakonashanakalunga.”

Johannes Mateus, Swakopmund, ota ti: „Ond'uvite oluhodi molu aamati ojendji mboka haje ja mUushimba. Ojo aakristelela ngele je li mOuambo, ihe shampa je ja mUushimba, otaja tameke okushékica edina lja Kristus nomalutu gauo. Olutu oluo otempeli jOmbepe Ondjapuki, onke nalu kale lua japullua Kalunga.”

Festus Teodor, Windhoek, ote tu tsu oondunge ta ti: „Shimue ashike aamuameme shi nekuaco, eliko ljashili ofesus.”

Stefanus Hamukua ja, Outjo, oku nepulo: Omolua shike ovanhu itava tila epangulo tal'uja? Nande kua tiua: „Djeni mo nje ovanhu vange.”

Reinhold Selikita, Tsumeb, ta ti: Ovaholike tu lidilulu-teni tu aluke mondjila johokue jaajo jounjuni, tje tu jeni mondjila ei jomuenjo itai hulu po. Ounjuni nouua uauo aushe otai hulu po.

Teofilus Petrus, Walvisbay, oku nepulo: Olje ta vulu okujanda po epangulo ljahugunina ngele kee na Omua Jesus?

Naftali Shivute, Orangemund, ote tu tsu omukumo: Diginina opo u monike ku Kalunga ongoje omudiginini.

Paulus Shikokola, Windhoek, oku nelaka: Jesus Kristus oje tuu nguka ohela nonena nosigo aluhe.

Rafael Shihuan du, Windhoek, ota ti: Kristus ngele te ja, ote ku ada u li ngiini? Pamue te ku ada omulanduli guomilema, nenge te ku ada tuu ue mu tegelela nondjulukue?

J. Shimoshili, Tsumeb, ote tu londoda: Ngashi oluaadi talu shela kuuzilo sigo kuuninginino, osho okuja kua Jesus taku ka kala.

Junias Kakaumbi, Orangemund, oku nelaka: Omatati gomukriste ogo egalikano noohapu da Kalunga.

Immanuel Uguanga, Okahandja, oku uvite oluhodi oshoka aantu ojendji itaja lalakanene elago ljaaluhe. Ando otu kaleni nehale notu tjeni: Otandi shi matukile ndi shi ade.

Petrus Eeli, Windhoek, ota hokolola: Opuu li omulumentu gumue omuhuangi. Esiku limue sho a li a jono okua tulua mondolongo nuuhuangi ue. Kotoka omukuetu, oheli itaji tila uuhuangi uoje.

Albin Abed, Orangemund, oku nenjanju, nota ti: Otse aauambo otua silua ohenda sho tua mono evangeli lje hupico.

S. Jonathan, Walvisbay, ote tu popifa nelaka eli: Pe-nduka ou to kofa. Kristus note ku minikile.

Filippus Elia, Luderits, ota ti: Omueue iha tale olutu luomuntu, ndelene oha tale meni mokosoka komadiladilo mai.

Johannes Namueja, Orangemund, ota dimbulua mboka haa ti, ongula otandi ka longa shontumba no shongandi ta ti: Eso olje ku landula, shaa mpoka u li po, ou li neso.

David Nangolo, Otjivarongo, ota ti: Omutondadi okua ku-na nota kunu sigo onena ombuto je ombuinaji maantu, onke tu galikaneni Kalunga a dipage mo mutse ombuto ndjoka ombuinaji tse tu kale tu nombuto ndjoka ombuanaua, oje EITAAALO.

Ruben Martin, Windhoek, ta ti: Ecimbo ljoopala ongashi-ngeji. One oojakuetu mu li mOuambo omu nelago oshoka aakuluntu tamu vulu kugongala moongundumbimbéli deni, aagundjuka omii-gongi jeni nuunona omooskola, deni. Omo moka tamu popicua noo-hapu da Kalunga. Ihe tse mbaka tu li huka mehalakano otu li moluhepo shili. Omua guana okuhambelero Kalunga omotua shoka, ihe shimue ashike, inamu eca omagano omanene ga Kalunga ge cike mpoka ga hepe ouala.

JUNIE

- | | |
|--------|---|
| 1 M. | 5 Mos. 6:4-13. Iil. 4:13-22. |
| 2 D. | 1 Aakuan. 8:6-14, 22, 23, 26-30. Iil. 4:23-31. |
| 3 W. | Ef. 4:1-6. Iil. 4:32-37. |
| 4 Do. | 1 Tim. 3:14-16. Iil. 5:1-11. |
| 5 V. | Ef. 1:3-14. Iil. 5:12-16. |
| 6 Sa. | Joh. 5:17-23. Iil. 5:17-33. 5 Mos. 6:4-13. |
| | 1 Tim. 6:6-12. Mat. 16:24-27. Dan. 5:1-9, 13-17, 25-30. |
| 7 S. | Os. 1 ja landula Ukuuatatu. |
| 8 M. | 2 Tim. 3:14-17. Iil. 6. |
| 9 D. | Hes. 2:1-7. Iil. 7:1-16 |
| 10 W. | Joh. 5:41-47. Iil. 7:17-37. |
| 11 Do. | Ef. 4:11-16. Iil. 7:38-53. |
| 12 V. | Hes. 3:22-27. Iil. 7:54-8:4. |
| 13 Sa. | Jes. 5:1-7. Iil. 8:5-25 Omajelet. 9:1-10. |
| | 2 Petr. 1:1-11. Luk. 9:51-62, Eps. 36:6-11. |
| 14 S. | Os. 2 ja landula Ukuuatatu. |
| 15 M. | Joh. 4:4-14. Iil. 9:1-9. |
| 16 D. | Omuuvici 5:1-6. Iil. 9:10-19. |
| 17 W. | Mat. 11:25-30. Iil. 9:20-31. |
| 18 Do. | 1 Kor. 14:1-4, 23-25. Iil. 9:32-43. |
| 19 V. | 1 Kor. 1:20-25. Iil. 10:1-20. |
| 20 Sa. | Jak. 2:1-9. Iil. 10:21-33. Jes. 12. |
| | Ef. 2:1-10. Mat. 9:9-13. Hes. 34:11-16. |
| 21 S. | Os. 3. ja landula Ukuuatatu. |
| 22 M. | Mark. 2:1-12. Iil. 11: 1-18. |
| 23 D. | Aapangeli 10:6-16. Iil. 11:19-30. |
| 24 W. | Iil. 13:16-25. Mark. 6:14-29. Jes. 54:7-10. |
| 25 Do. | Mat. 1:3-12. Iil. 12:18-25. |
| 26 V. | Luk. 12: 49- 53. Hes. 1:1-3, 2:1-7. |
| 27 Sa. | Joh. 10:40-42. Hes. 3:16-21. Jes. 65:17-19, 24, 25. |
| | Rom. 14:10-19. Mat. 7:1-6; Mika 6:8. |
| 28 S. | Os. 4 ja landula Ukuuatatu. |
| 29 M. | Joh. 8:1-11. Hes. 7:1-10. |
| 30 D. | 2 Kor. 2:5-11. Hes. 11:14-21. |